

Naalakkersuisunut apeqquut: Naalakkersuisut qanoq isumaqarfigaat EU-mi peqqussutip nr. 1107/2006-ip eqqunneqarnissaa, innarluutillit timmisartorlutik angalasarnerannut tunngassuteqartoq?

(Inatsisartunut ilaasortaq Astrid Fleischer Rex, Demokraatit)

Akissuteqaat.

(Ineqarnermut, Attaveqarnermut Angallanermullu Naalakkersuisoq)

Siullermik Naalakkersuisut sinnerlugit Inatsisartunut ilaasortaq Astrid Fleischer Rex, Demokraatit, apeqquut una qaqimmagu qutsavigaara. Apeqquut arlalipparujussuarnik sammiveqarpoq, tamarmik itinerusumik misissuiffigineqartariaqartunik.

Tamatta immikkut inuunerorusutarput atorlugu inuunissamut periarfissaqarnissarput – aamma Naalakkersuisut tamatumunnga sinaakkusiinissaat – Naalakkersuisut pingaartippaat.

Kisiannili innarluutillit timmisartorlutik angalasarnerat pillugu EU-mi peqqussutip atuutsinneqalernissaanut Naalakkersuisut isumminnginneranni pissutsit arlallit annertunerusumik misissuiffigineqartariaqarput. Paasinninnera malillugu EU-mi peqqussummi annertuumik innarluutillit pisinnaatitaaffiisa illersorneqarsinnaanissaat, taamaalillunilu bilitsimik inniminniinissamut timmisartumulluunniit ikinissamut innarluuteqarneq pissutigalugu timmisartuutileqatigiiffinit itigartinneqarsinnaannginnissaat matumani tunuliaqutarineqarpoq. Pissutsit taakku uatsinnut atuutinnngillat. Taassuma atuunneratigut aamma peqqussummi timmisartoqarfiit, taamaalillunilu timmisartuutileqatigiiffiit kisimik pinnatik akisussaaffilerneqartussaapput.

Tunngaviatigut EU-mi peqqussut, attaveqarnikkut unammilleqatigiinnikkullu pissutsinut, uagut atukkatta assiginngisaannut atuuttussanngorlugu pilersinneqarsimasoq atulersissallugu naleqqutinngitsutut isigineqarpoq.

Peqqussummi pisariaqartitat anguniakkallu suunersut paasisariaqarpagut. Timmisartoqarfiit nunatsinniittut taakkunanilu atortugut Europami pigineqartunit allaanerupput, taamaattumillu aamma bilitsinut akigititat akitsuummik sulii allamik qallerneqassappata misissuiffigeqqissaartariaqarpagut.

EU-mi peqqussut atuutsinneqalissanersoq pillugu nalilersuineranut atatillugu pisariaqartitat illersuinnissamullu eqqarsaatigisassat suunersut paasisariaqarpagut. Assersuutigalugu sullissineq, peqqussummi malitassatut piumasqaataareersoq ullumikkut Air Greenlandimi malinneqareerpoq. Tassani assersuutigalugu qamutinik kaassuartaakkanik akeqanngitsumik atuisoqarsinnaavoq, mittarfiup illutaata timmisartumilu issiaviit akornanni akeqanngitsumik angallanneqarnissaaq ajornanngilaq, tassungalugu ilaasup qamutinit kaassuartaakkaniiit issiavimmut nuunneqartarnera ilaavoq.

Air Greenlandip maannakkorpiaq nammineerluni peqqussutip imarisai malereeraluarai, ilaasut annertuumik innarluutillit pillugit maleruagassat naleqqussarneqarnissaannut annertusarneqarnissaannullu periarfissanik Naalakkersuisut misissuerusupput.

Pisariaqartitsineq qanoq annertutiginersoq, sulinermilu malinneqarsinnaasunik sukku
naleqqussaasoqassanersoq misissorneqassaaq. Sullivinni atortut killissarititaasullu suliner
malinneqartut, kiisalu ilaasut isumannaassusissaat eqqarsaatigalugu sulisunut
atugassarititaasut, taamatullu naleqqussaannermi aningaasartuutaajumaartussat iluanni
periarfissanik misissuinissamut Naalakkersuisut piumassuseqarput.